

**Prirodno-matematički fakultet**  
**Društvo matematičara i fizičara Crne Gore**

**OLIMPIJADAZNANJA 2023**

Rješenja zadataka iz MATEMATIKE  
za IV razred srednje škole

1. Dokazati da za svaki prirodan broj  $n$  važi

$$54 \mid 2^{2n+1} - 9n^2 + 3n - 2.$$

**Rješenje:** Dokaz izvodimo indukcijom. Za  $n = 1$  imamo  $2^3 - 9 + 3 - 2 = 0$ , pa kako  $54 \mid 0$ , to je tvrđenje tačno za  $n = 1$ . Neka je tvrđenje tačno za  $n = k \geq 1$ , tj.  $54 \mid (2^{2k+1} - 9k^2 + 3k - 2)$ . Dokazujemo za  $n = k + 1$ . Primjetimo da je

$$\begin{aligned} 2^{2(k+1)+1} - 9(k+1)^2 + 3(k+1) - 2 &= 42^{2k+1} - 9k^2 - 18k - 9 + 3k + 3 - 2 \\ &= 4(2^{2k+1} - 9k^2 + 3k - 2) + 36k^2 - 12k + 8 \\ &\quad - 9k^2 - 18k - 9 + 3k + 3 - 2 \\ &= 4(2^{2k+1} - 9k^2 + 3k - 2) + 27k^2 - 27k \\ &= 4(2^{2k+1} - 9k^2 + 3k - 2) + 27k(k-1) \end{aligned}$$

Izraz  $2^{2k+1} - 9k^2 + 3k - 2$  je djeljiv sa 54 na osnovu prepostavke, dok kako je izraz  $k(k-1)$  djeljiv sa 2 kao proizvod dva uzastopna broja, to je  $27k(k-1)$  djeljiv sa 54. Dakle, tvrđenje je tačno i za  $n = k + 1$ .  $\square$

2. Neka su  $P(x)$ ,  $Q(x)$  i  $R(x)$  polinomi koji nijesu identički jednaki nuli, sa koeficijentima iz skupa realnih brojeva. Ako važe jednakosti

$$P(x) + Q(x) + R(x) = P(Q(x)) + Q(R(x)) + R(P(x)) = 0,$$

dokazati da su svi ovi polinomi istog stepena i da je taj stepen paran broj.

**Rješenje:** Označimo sa  $n$  najveći od stepena polinoma  $P$ ,  $Q$  i  $R$ . Neka su  $a$ ,  $b$  i  $c$  koeficijenti uz  $x^n$ , u  $P$ ,  $Q$  i  $R$  respektivno (neki od njih mogu biti jednaki 0).

Iz uslova dobijamo

$$a + b + c = 0, \quad \text{i} \quad ab^n + bc^n + ca^n = 0.$$

Zbog  $P, Q, R \neq 0$  i prve jednakosti bar dva od koeficijenata  $a, b$  i  $c$  su različita od nule. Ako bi tačno jedan od njih bio jednak nuli, onda druga jednakost ne bi važila. Dakle, sva tri su različita od 0, tj.  $P, Q$  i  $R$  su istog stepena.

Prepostavimo da je  $n$  neparan broj.

Bar dva od brojeva  $a, b, c$  su istog znaka, pa ne gubeći na opštosti neka su  $a$  i  $b$  istog znaka i neka su pozitivni (množili bi s  $-1$  ukoliko to nije slučaj, a jednakosti koje imamo i dalje bi važile). Tada je  $c = -a - b < 0$ .

Slijedi,  $a, b > 0$ ,  $a, b < |c|$ ,  $bc^n$  je negativan broj i  $ca^n$  je negativan broj, pa dobijamo

$$|bc^n + ca^n| > b|c|^n = |c| \cdot b \cdot |c|^{n-1} > a \cdot b \cdot b^{n-1} = ab^n,$$

što je u kontradikciji sa drugom jednakošću.  $\square$

3. U ravni je data mreža tačaka sa koordinatama  $(x_i, y_j)$ ,  $i, j \in \{1, 2, \dots, 2023\}$  takva da važi: ako  $x$ -koordinatu svake tačke zamijenimo zbirom  $x$ -koordinata preostalih tačaka i  $y$ -koordinatu svake tačke zamijenimo zbirom  $y$ -koordinata preostalih tačaka, dobijemo istu mrežu tačaka.

(a) Dati primjer skupa tačaka koji zadovoljava uslove zadatka.

(b) Dokazati da postoji bar jedna tačka čija je jedna  $x$ -koordinata nula i bar jedna tačka čija je  $y$ -koordinata nula (za svaku mrežu koja zadovoljava uslove zadatka, ne samo za slučaj pod (a)!).

### Rješenje:

(a) Neka je  $S = \{-1011, -1010, \dots, -1, 0, 1, \dots, 1010, 1011\}$  i neka su  $x$  i  $y$ -koordinate naših tačaka brojevi iz skupa  $S$ . Svaka  $x$ -koordinata  $x_i$  neke tačke iz mreže se zamjenjuje sa zbirom svih ostalih  $x$ -koordinata  $x_k$ ,  $k \neq i$ , odnosno sa zbirom svih  $x$ -koordinata umanjenim za  $x_i$ . Kako je očigledno zbir svih  $x$ -koordinata u slučaju datog skupa jednak nula, to se  $x$ -koordinata  $x_i$  fiksirane tačke zamjenjuje sa  $-x_i$ . Analogno i za  $y$ -koordinate. Dakle, tačka  $(x_i, y_j)$  se zamjenjuje tačkom  $(-x_i, -y_j)$ , pa mreža  $S \times S$  je primjer mreže koja zadovoljava navedeni uslov.

(b) Tačke sa  $x$ -koordinatom  $x_j$  se zamjenjuju tačkom sa  $x$ -koordinatom  $\sum_{i=1}^{2023} x_i - x_j$ . Kako mreža ostaje ista, to je  $\sum_{j=1}^{2023} x_j = 2022 \sum_{j=1}^{2023} x_j$ , odnosno  $\sum_{j=1}^{2023} x_j = 0$ . Dakle, tačka sa  $x$  ko-

ordinatom  $x_j$  se zamjenjuje tačkom sa  $x$ -koordinatom  $-x_j$ . Bez gubljenja opštosti, neka je

$$x_1 \leq x_2 \leq \dots \leq x_{2022} \leq x_{2023}.$$

Kako mreža nakon navedenog postupka ostaje ista to je

$$x_1 = -x_{2023},$$


$$x_2 = -x_{2022},$$

⋮

to jeste  $x_k = -x_{2024-k}$ . Specijalno  $x_{1012} = -x_{1012}$ , odnosno  $x_{1012} = 0$ . Analogno za  $y$ -koordinate.  $\square$

4. Neka je tačka  $I$  centar upisane kružnice trougla  $ABC$ . Neka je  $k$  kružnica koja sadrži tačke  $B$  i  $I$ , i  $AI$  je njena tangenta. Kružnica  $k$  siječe  $AB$  još u tački  $P$  i siječe  $BC$  još u tački  $Q$ . Prava  $QI$  siječe  $AC$  u tački  $R$ . Dokazati da je  $|AR| \cdot |BQ| = |PI|^2$ .

**Rješenje:**



Važi sljedeći niz jednakosti uglova:

$$\begin{aligned}
 \angle AIP &= \angle IBP \quad (\text{ugao između tangente i tetine je jednak periferijskom uglu nad tetivom}) \\
 &= \angle IBQ \quad (BI \text{ je bisektrisa ugla } \angle ABC) \\
 &= \angle IPQ \quad (\text{kao periferijski uglovi nad tetivom } IQ).
 \end{aligned} \tag{1}$$

pa je  $AI \parallel PQ$ . To dalje povlači

$$\begin{aligned}
 \angle IAB &= \angle BPQ \\
 &= \angle BIQ \quad (\text{kao periferijski uglovi nad tetivom } BQ).
 \end{aligned}$$

Kako je  $\angle AIP = \angle IBQ$  i  $\angle IAP = \angle BIQ$ , to su trouglovi  $AIP$  i  $IBQ$  slični pa važi

$$\frac{|QI|}{|BQ|} = \frac{|AP|}{|PI|}. \tag{2}$$

Neka je  $A' = p(A, I) \cap p(B, C)$ . Tada

$$\begin{aligned}
 \angle RIA &= \angle QIA' \quad (\text{kao unakrsni uglovi}) \\
 &= \angle IPQ \quad (\text{ugao između tangente i tetine je jednak periferijskom uglu nad tetivom}) \\
 &= \angle AIP \quad (\text{na osnovu 1}).
 \end{aligned}$$

Kako je  $AI$  bisektrisa  $\angle BAC$  to je i  $\angle PAI = \angle RAI$ , pa iz  $USU$  stava slijedi da je  $\triangle AIP \cong \triangle AIR$ , što povlači

$$|AR| = |AP|. \tag{3}$$

Takođe važi  $|QI| = |PI|$ , jer je  $BI$  bisektrisa ugla  $PBQ$ . Uvrštavajući dobijeno u (2) konačno dobijamo

$$\frac{|PI|}{|BQ|} = \frac{|AR|}{|PI|},$$

odakle slijedi tražena relacija. □